



Kakanj, 08.09. 2025. godine
Broj: 01/D-01-43- 9740 /25

Na osnovu člana 48. Statuta Rudnika mrkog uglja "Kakanj" d.o.o. -Kakanj, Preporuke Komisije za javnu nabavku, broj: 925-09/25 od 02.09.2025. godine, po otvorenom postupku (OP: 41/25 – Nabavka transportne trake za PPPiU (sa ugradnjom)), člana 69. stav 2. tačka d), člana 70. i 71. Zakona o javnim nabavkama ("Sl. glasnik BiH", broj: 39/14, 47/14, 59/22, 50/24), direktor Iso Delibašić, dipl.ekonomista i prokurist Adi Hamidović, dipl.inž.maš., donijeli su

O D L U K U **o poništenju postupka javne nabavke**

Član 1.

Poništava se postupak javne nabavke – Nabavka transportne trake za PPPiU (sa ugradnjom) (OP: 41/25) objavljen na Portalu javnih nabavki pod brojem obavještenja o nabavci: 967-1-1-306-3-210/25 od 30.07.2025. godine, iz razloga što nijedna od primljenih ponuda nije prihvatljiva – član 69. stav (2) tačka d) Zakona o javnim nabavkama.

Član 2.

Odbacuje se ponuda ponuđača „INDUSTRIJA 4B“ d.o.o. Kakanj kao nepravilna iz razloga što ponuda nije u skladu sa zahtjevima iz tenderske dokumentacije

Član 3.

Za izvršenje ove odluke zadužuje se i ovlašćuje Služba za javne nabavke i Komercijalna služba Rudnika mrkog uglja "Kakanj" d.o.o. -Kakanj.

Član 4.

Ova odluka objavit će se na web-stranici <http://www.rmukakanj.ba/> shodno članu 70. stav (6) Zakona o javnim nabavkama.

Član 5.

Ova odluka dostavlja se svim ponuđačima koji su učestvovali u postupku javne nabavke, shodno članu 71. Zakona o javnim nabavkama.

O b r a z l o ž e n j e

Postupak javne nabavke proveden je putem otvorenog postupka, a pokrenut je na osnovu Odluke o pokretanju postupka javne nabavke, broj: 01/D-01-43-7901/25 od 16.07.2025. godine.

Procijenjena vrijednost javne nabavke bez PDV-a je 219.670,00 KM.

Obavijest o nabavci broj: 967-1-1-306-3-210/25 od 30.07.2025. godine objavljena je na Portalu javnih nabavki dana 30.07.2025. godine.

Komisija za javnu nabavku je dana 02.09.2025.godine sačinila Zapisnik o ocjeni ponuda, broj: 923-09/25 od 02.09.2025.godine i Preporuku o poništenju postupka nabavke, broj: 925-09/25 od 02.09.2025. godine, u postupku javne nabavke roba – Nabavka transportne trake za PPPiU (sa ugradnjom).

U predmetnom postupku utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda jedan (1)

- da je blagovremeno zaprimljena jedna (1) ponuda
- da nije bilo neblagovremeno zaprimljenih ponuda
- da nijedna od primljenih ponuda nije prihvatljiva.

Ponuda ponuđača „INDUSTRIJA 4B“ d.o.o. Kakanj je nepravilna iz razloga kako slijedi:

Tačkom 2. Dokazi o prihvatanju uslova navedenih u detaljnim tehničkim zahtjevima, Aneksa 7 Tehnička specifikacija, alinejom 8. propisano je da ponuđači u ponudi moraju dostaviti sljedeće dokaze:

„Izjava ponuđača da će na poslovima ugradnje gumene transportne trake koristiti setove materijala za spajanje transportne trake od istog materijala kao i isporučena traka u skladu sa standardom DIN 22102 i da će preklop spoja biti minimalno 800mm.

Izjava ponuđača da posjeduje vulkanizerske pegle za toplu vulkanizaciju (dva kompleta zbog brzine izvođenja radova). U izjavi navesti naziv proizvođača i tip vulkanizerske pegle.

Izjava ponuđača da raspolaže sa najmanje 6 (šest) stručno osposobljenih lica za rukovanje vulkanizerskom peglom za toplu vulkanizaciju i uz izjavu dostaviti certifikate o osposobljenosti za rukovanje vulkanizerskom peglom za toplu vulkanizaciju.”

Uvidom u ponudu ponuđača „INDUSTRIJA 4B“ d.o.o. Kakanj utvrđeno je da je ponuđač dostavio Izjavu da će na poslovima ugradnje gumene transportne trake koristiti setove materijala za spajanje transportne trake od istog materijala kao i isporučena traka u skladu sa standardom DIN 22102 i da će preklop spoja biti minimalno 800mm.

Ponuđača „INDUSTRIJA 4B“ d.o.o. Kakanj također je dostavio izjavu da posjeduje vulkanizerske pegle za toplu vulkanizaciju (dva kompleta zbog brzine izvođenja radova), ali u Izjavi nije naveden proizvođač i tip vulkanizerske pegle.

Ponuđača „INDUSTRIJA 4B“ d.o.o. Kakanj dostavio je Izjavu da raspolaže sa najmanje 6 (šest) stručno osposobljenih lica za rukovanje vulkanizerskom peglom za toplu vulkanizaciju, ali nije priložio certifikate o osposobljenosti za rukovanje vulkanizerskom peglom za toplu vulkanizaciju, kako je to traženo u Aneksu 7 Tehnička specifikacija.

Na osnovu naprijed navedenog utvrđeno je da ponuda ponuđača nije dostavljena u skladu sa zahtjevima iz tenderske dokumentacije, te je ista ocjenjena kao nepravilna.

Ugovorni organ NE primjenjuje preferencijalni tretman domaćeg (preferencijalni tretman cijene) iz člana 67. Zakona o javnim nabavkama.

Odluka o obaveznoj primjeni preferencijalnog tretmana domaćeg broj: VM 89/2020 od 29.05.2020. godine ("Službeni glasnik BiH" broj: 34/20), donesena od strane Vijeća ministara Bosne i Hercegovine, prestala je sa važenjem dana 01.06.2021. godine.

S obzirom da Vijeće ministara Bosne i Hercegovine nije donijelo poseban podzakonski akt kojim se reguliše primjena preferencijalnog tretmana domaćeg, to prema članu 67. Zakona o javnim nabavkama, ne postoji pravni osnov za primjenu preferencijalnog tretmana domaćeg.

U postupku donošenja ove odluke posebno su cijanjene činjenice da je Komisija pravilno i potpuno izvršila ocjenu kvalificiranosti ponuđača, te ocjenu prispjele ponude, shodno kriterijima iz Tenderske dokumentacije.

U postupku ocjene provedenog postupka direktor nije našao razloge, nepravilnosti niti propuste u radu koji bi eventualno bili osnov za neprihvatanje Preporuke Komisije za javnu nabavku.




Naime, u postupku je ocijenjeno da je Komisija u svemu pravilno postupila, te da je Preporuka o poništenju u skladu sa Zakonom o javnim nabavkama, podzakonskim aktima, internim aktima i tenderskom dokumentacijom. Uvidom u priloženu dokumentaciju, nesporno je da u predmetnom postupku nema prihvatljivih ponuda.

Iz navedenih razloga, primjenom člana 69. stava (2) tačka d) Zakona o javnim nabavkama, odlučeno je kao u dispozitivu.


Pouka o pravnom lijeku: Protiv ove odluke može se izjaviti žalba Rudniku mrkog uglja "Kakanj" d.o.o. -Kakanj, najkasnije u roku od 10 (deset) dana od dana prijema ove odluke.

Prokurist


Adi Hamidović, dipl.inž.maš.



Direktor


Iso Delibašić, dipl. ekonomista

Dostavljeno:

1x Direktor

1x Učesnici u postupku javne nabavke

1x a/a